



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

BILTEN

BR. 33

Informativne novine IZB u Švedskoj

AVGUST 2017

*Bajram
Šerif
Mubarek
Olsun*



**BUDI DIO AKTIVNE MREŽE BOŠNJAKA U SVIJETU!
PODRŽI NACIONALNI PROJEKAT ONLINE!**

HADŽIJE STIGLI U MEKKU I OBAVILE UMRU

Hadžije, koji su na hadž otputovali u organizaciji Islamske zajednice Bošnjaka u Švedskoj, hairli su stigli u Mekku, obavili umru i trenutno se pripremaju za obrede hadža koji im predstoje. Sve hadžije su dobro i zdravo.



SEKRETARIJAT
IZBUŠ

email: kontakt@izb.se
tel. 0520-49 90 64
mob.0763-10 2 447

Adresa:
BIS, Åkersjövägen 10
461 53 Trollhättan
Radno vrijeme:
Radnim danom od 08:00 do
16:30m

PG: 73 88 14-3

**UVODNIK**

Na posljednjoj sjednici Izvršnog odbora Islamske zajednice Bošnjaka u Švedskoj, između ostalog, bilo je govora o realizaciji projekta „Online“.

Da podsjetimo, radi se o projektu koji ima za cilj uspostavljanje baze podataka Bošnjaka.

Ovaj projekat od samog početka podržao je reisu-l-ulema Husein-ef. Kavazović i zatražio puni angažaman svih nas u Islamskoj zajednici. Slijedeći uputstvo vrhovnog poglavara, Izvršni odbor je donio odluku da organizira veliku kampanju registriranja naših članova.

Kampanja je planirana u nekoliko etapa, a prva je već uz klanjanje Kurban-bajramskog namaza.

Stoga vas pozivamo da se odazovete ovom pozivu i na licu mjesta u svojim džematima ispunite i odmah predate pripremljeni formular.

Treba li ponovo naglašavati da je ovo jedan od posljednjih vozova za naše bošnjačko organiziranje i značajnije učešće u kreiranju vlastite budućnosti?

Koristimo priliku da vam čestitamo nastupajuće blagdane i poželimo svako dobro.

BAJRAM-ŠERIF MUBAREK OLSUN!

Idriz-ef. Karaman

**Sjednica****Održana sjednica IO IZBUŠ****Sjednica****Održana sjednica Savjeta glavnog imama****PROJEKAT****Projekat „Online“ aktivna mreža Bošnjaka u svijetu****Kurbani****RIJASET: Akcija Kurbana 2017.****Hutba****Vrijednost prvih 10 dana Zul-hidždžeta**

"Vlasnik kurbana ima dobro djelo za svaku dlaku kurbana". (Hadis)





ODRŽANA SJEDNICA IZVRŠNOG ODBORA ISLAMSKE ZAJEDNICE BOŠNJAKA U ŠVEDSKOJ

U subotu, 12. avgusta 2017. godine, u Stockholmu je održana sjednica Izvršnog odbora Islamske zajednice Bošnjaka u Švedskoj.

Pored redovnih izvještaja, na sjednici su dogovorene pojedinosti oko organizacije aktivnosti tokom jeseni, od čega izdvajamo savjetovanje sa predstavnicima džemata, 23. septembra, (prijedlog da to bude u Jönköpingu), seminar za aktivne žene u našim džematima,

30. septembra i 1. oktobra, u Göteborgu, te centralni mevlud, 7. oktobra, u Boråsu.

Izvršni odbor je na ovu sjednicu pozvao i g. Emira Polju, kako bi se ubrzale aktivnosti u sprovođenju projekta „Online“.

Jednom dijelu sjednice, u kojem se govorilo o projektu maternjeg jezika, prisustvovao je i Mustafa-ef. Šetkić, koji daje ogroman doprinos u realizaciji ovog projekta, ali i u saradnji naše Zajednice sa drugim organizacijama i institucijama u Švedskoj.

I.K.

U HALMSTADU ODRŽANA SJEDNICA SAVJETA GLAVNOG IMAMA IZBUŠ

U ponedjeljak, 14. avgusta 2017. godine, u Halmstadu je održana sjednica Savjeta glavnog imama Islamske zajednice Bošnjaka u Švedskoj.

Na sjednici su razmatrani izvještaji o mektepskoj nastavi, akciji prikupljanja zekata i sadekatu-l-fitra, te pripremi za hadž.

Izraženo je zadovoljstvo postignutim rezultatima, od kojih posebno treba izdvojiti akciju prikupljanja zekata i sadekatu-l-fitra, u kojoj je ovogodišnji rezultat bolji od prošlogodišnjeg za preko 600 000 kruna.

Savjet glavnog imama donio je odluku da i ove godine štampa udžbenike za mektepsku nastavu. Prethodno će članovi Savjeta pregledati postojeće udžbenike i izvršiti potrebne korekcije.

Na kraju je još donesena odluka da se naredni seminar za imame IZBUŠ održi u novembru mjesecu. Na ovaj seminar iz Rijaseta će biti pozvan Muhamed Jusić, jer će se na seminaru govoriti o pojavama ekstremizma i načinu suprotstavljanja ovom zlu.

I.K.



PROJEKAT ONLINE AKTIVNA MREŽA BOŠNJAKA U SVIJETU

Obavještavamo naše članove da je Islamska zajednica Bošnjaka u Švedskoj, među mnogobrojnim bh. organizacijama u svijetu, u saradnji sa Fondacijom "Bosna 21" iz Bosne i Hercegovine se aktivno uključila u realizaciju projekta "Online".

Projekat "Online" je nacionalni projekt Bošnjaka koji ima za cilj da putem elektronske platforme kreira aktivnu mrežu Bošnjaka u svijetu. Projekat uključuje sve Bošnjake u svijetu s posebnim fokusom na one koji imaju, ili su imali prije rata 1992-1995. mjesto prebivališta na današnjem prostoru bh. entiteta Republika Srpska.

Pristajanjem da budete dio aktivne mreže Bošnjaka u svijetu vi pristajete da budete dio svih budućih pozitivnih procesa u Bosni i Hercegovini, a među najvažnijim su izbori. Ovom odlukom vi se uključujete u interaktivnu komunikaciju sa svojom domovinom gdje će vam biti pružene sve neophodne informacije i pomoći kako da iskoristite svoje biračko pravo.

Ovo je nova prilika da Bošnjaci u svijetu kao politički narod, preuzmu dio vlastite odgovornosti za sudbinu svoje domovine Bosne i Hercegovine. Uz Božiju pomoć to je realno, i moguće. Moguće, na isti način kako to pravo ostvaruju ostali slobodni i civilizirani narodi Evrope i svijeta, uključivanjem u slobodni i demokratski izborni proces.

Nema drugog puta, ovo je jedini put da mijenjamo stanje na bolje, i neposredno damo lični doprinos demokratizaciji društva na cijelom prostoru naše države Bosne i Hercegovine.

Pozivamo sve članove naše zajednice, bez izuzetka, a posebno one koji imaju, ili su imali prije rata 1992-1995. mjesto prebivališta na današnjem prostoru bh. entiteta Republika Srpska da se uključe u aktivnu mrežu Bošnjaka u svijetu.

Registracija je dobrovoljnog karaktera, a tajnost podataka je prema zakonodavstvu BiH u cijelosti zagarantovana.

Kako? Potrebno je da za sebe, i članove svoje porodice iznad 18 god. (uz njihov pristanak) popunite obrazac na poleđini ovog lista te isti čim prije dostavite na adresu vaše lokalne zajednice ili putem e-maila: kontakt@izb.se.



ONLINE

BILTEN

Ime

Prezime

Telefon

E-mail

Država boravka (Inozemstvo)

Grad

Ulica i broj

Grad u BiH (1991)

Ulica i broj u BiH (1991)

Zanimanje

Stručna spremam

REGISTROVAN ZA GLASANJE

Poštom

Lično

U odsustvu

Nije registrovan

Prijavljen u općini BiH (trenutno)

GLASAO NA PRETHODNIM IZBORIMA?

DA NE

DRŽAVLJANIN BiH?

DA NE

Napomena

Mjesto i datum


Obrazac popunio (Ime i prezime)

KURBAN



BOSNIAKISKA ISLAMISKA SAMFUNDET

ISLAMSKA ZAJEDNICA BOŠNJAKA U ŠVEDSKOJ



1750:-

Cijena Kurbana
2017

KURBAN

Akcija se provodi u saradnji sa Rijasetom
Islamske zajednice u Bosni i Hercegovini **2017**

Kurbani se nabavljaju u BiH od povratnika
i na taj način se pomaže održivi povratak

Krajnji rok za uplatu
kurbana je

30.08.2017.god.

Uplatiti možete u vašim
džematima ili direktno
na račun IZBUŠ-a

PG: 73 88 14-3



Kurban preko Islamske zajednice

Allah, dž.š., u suri *Kevser* kaže:
"Mi smo ti uistinu, mnogo dobra dali,
zato namaz radi Allaha klanjaj i kurban
kolji, onaj ko tebe mrzi sigurno će on
bez pomena ostati!"
(*El-Kevser*, 1-3)

Kurban je jedna u nizu vadžib dužnosti koja ima svoj veliki značaj. Muhamed, a.s., je rekao: "Onaj ko ima materijalne mogućnosti da zakolje kurban, a ne zakolje ga, nemoj da se približava mjestu na kojem mi obavljamo namaz." U žrtvovanju kurbana ogleda se velika solidarnost muslimana, jer kurbansko meso se dijeli: siromasima, rodbini, komšijama i potrebnima. Allah, dž.š., kaže: "Jedite od nje (žrtve) i nahranite bijednika i siromaha."

U ustanovi kurbana krije se prava socijalna svrha i najviši znak požrtvovanosti u ime viših ciljeva.

Kad se smatraš obaveznim zaklati kurban?
Žrtvovanje kurbana za vrijeme Kurban-bajrama je islamska dužnost svakog imućnog punoljetnog muslimana i lijepa islamska tradicija i dobro djelo za onoga ko nije obvezan.

Dovoljan je jedan kurban za članove jedne porodice. U današnjem vremenu to je svaki onaj koji je zaposlen i ima toliko sredstava u dane Kurban-bajrama da nabavi kurban.

Važno!

Rijaset nema mogućnost da dostavlja trećinu kurbana po cijeloj BiH. Svi uplatioci kurbana koji žele da neko od njihove rodbine preuzme trećinu kurbana (može se preuzeti samo u Sarajevu), trebaju dostaviti telefonski broj rodbine kako bi predstavnik Rijaseta mogao stupiti u kontakt i dogоворити detalje око preuzimanja trećeine kurbana.

Za više informacija možete se obratiti lokalnom džematu,
imamu ili sekretaru IZB u Švedskoj:

E-mail: kontakt@izb.se Telefon: 0520-49 90 64 Mobil: 0763-10 24 47



Hutba: Vrijednost prvih deset dana Zul-hidždžeta

Hatib: Idriz-ef. Karaman

Hvala Allahu, dž.š., donosim salavat Njegovom poslaniku Muhamedu, a.s.

Naša srca, misli i dove su sa milionima vjernika iz svih krajeva svijeta, koji tokom ovih blagoslovljenih dana obavljaju hadž. Ako nas je zaobišla sreća da se i mi ove godine nađemo među milionima sretnika, postoji ipak mnogo načina da osjetimo blagodati ovih dana. Navest ćemo samo neke, koje s lahkoćom svako može sprovesti u okrilju svoje porodice i džemata. Prije nego što navedemo od tih načina, podsjetimo se da i Kur'an i hadis govore o vrijednosti prvih deset dana zu-l-hidždžeta. Tako se Allah, dž.š., zaklinje u Suri El-fedžr: "**Tako Mi zore, i deset noći.**" (El-Fedžr, 1-2) A Muhammed, s.a.v.s., je rekao: "**Ne postoje dani u kojima je činjenje dobrih djela draže Allahu od ovih deset dana.**"

Stoga ovih dana što više treba:

UČITI KUR'AN

Uzvišeni Allah će te nagraditi za svaki proučeni harf od 10 do 700 puta. Zamisli koliko je harfova/slova samo na jednoj stranici, a da ne govorimo o cijelom Kur'anu. Pa, to su milioni nagrada. Doista je Allah, dž.š., milostiv i neograničeno darežljiv. On voli one koji čine dobra djela u ime Njega. A veličanstveno djelo je kada čovjek uči Kur'an svakodnevno, naročito razgovjetno i s razmišljanjem. Pa, trudimo se a Allah će vidjeti, primiti i mnogostruko nas nagraditi za svako naše dobro djelo.

POVEĆAVATI BROJ NAFILA-NAMAZA

Tokom ovih dana povećati broj nafila-namaza. Međutim, prije toga posebnu pažnju i razmišljanje treba posvetiti kvalitetu klanjanja naših redovnih namaza. Neka nam u tom pogledu primjer bude hazreti Alija, koji savjetuje da se svakom namazu pristupa kao da nam je posljednji u životu. Tek kad redovnim namazima budemo pristupali na pravi način, moći ćemo osjetiti ljepote noćnog i drugih nafila namaza.

POJAČATI ZIKR

Zikr je izgovaranje jezikom, uz osjećanje u srcu, riječi koje upućuju na slavljenje Uzvišenog Allaha, Njegovo veličanje i zahvalu. Zikr treba intenzivirati naročito tokom ovih deset dana i noći, jer Allahov Poslanik, s.a.v.s., je rekao: "**Ne postoje veličanstveniji dani kod Allaha, niti dani u kojima su dobra djela draža Allahu od ovih deset dana, mnogo u njima Allaha spominjite et-tehlilom (izgovarajući riječi la ilaha illallah), et-tekbjom (veličanjem Al-Ilaha izgovarajući riječi Allahu ekber), et-tahmidom (zahvalom Allahu riječima elhamdulillahi).**"

ISTIGFAR

Ovi blagoslovjeni dani su sjajna prilika za traženje oprosta za sve grijehu i naše nedostatke. Oprost treba tražiti za sebe, svoje bližnje i sve muslimane, a uputu za sve ljude zemaljske kugle. Musliman je svjestan svojih grijeha, vidljivih i nevidljivih. A koliko ih imamo, svjedoči najbolje Muhammed ibn Vasi, koji divno kaže: "Kada bi grijesi imali miris (zadah, vonj), nikada niko ne bi sjedio sa mnom."

A El-Dževzi je jednom upitan: "Da li je bolje izgovorati tesbih (subhanallah) ili istigfar (estaghfirullah)?" On je odgovorio: "Prljavoj odjeći je potrebniji sapun nego miris." Jasno je da je ovdje istigfar sapun, a tesbih miris. I jedno i drugo su korisni, potrebni i lijepi. Na Sudnjem danu ćemo primiti knjigu naših djela, u kojoj će biti obilje naših grijeha, za što ćemo se gorko kajati, no sa grijesima će biti pomiješane riječi istigfara, pa će nam Uzvišeni Allah oprostiti grijehu gdje god je bio zapisan istigfar.



Donosimo uporno istigfar, jer Uzvišeni Allah kaže: "**Allah njih kazniti neće sve dok među njima ima i onih koji oprost mole!**" (El-Enfal, 33) Sa istigfarom Allah, dž.š., rješava naše probleme i štiti nas od nedaća i nesreća. A kad bi nas i smrt zadesila u momentu istigfara, bio bi nam Džennet zagarantiran.

POST

Sunnet je da musliman posti prvih devet dana zu-l-hidždžeta, jer je post jedan od najboljih ibadeta. Muhammed, s.a.v.s., prenosi nam od Uzvišenog Allaha, koji u hadisi-kudsiji kaže: „**Svako djelo sina Ademovog pripada njemu, osim posta. On je Moj i Ja za njega naročito nagrađujem!**“ Posebno je važno postiti Dan Arefata, koji ove godine pada u četvrtak, 31. avgusta. Za post toga dana Poslanik, s.a.v.s., kaže: “**Post na Dan Arefata briše grijehu iz prethodne i naredne/tekuće godine.**”

SADAKA

Davanje u ime Allaha, dž.š., čisti naš imetak i štiti nas od raznih kušnji i nedaća, kao i naše najmilije i najbliže. Ispružene ruke ne treba odbijati i dijeliti treba od onoga što čovjek voli a ne od onoga čega želi da se otarasi. U poređenju sa Allahovim, dž.š., zadovoljstvom, sve dunjalučko je poput prašine, makar i suho zlato bilo. Sadaka je lijek za dunjalučke nedaće, a investicija za Ahiret. Oni, pak, koji nemaju ništa od dunjaluka, sadaku mogu dati osmijehom, selamom ili uklanjanjem s puta nečega što smeta čovjeku i drugim živim bićima.

ODRŽAVANJE RODBINSKIH VEZA

Prijeka potreba je da se održavaju rodbinske veze, a za one koji ih kidaju, Poslanik, s.a.v.s., kaže: “**Niko ko kida rodbinske veze neće unići u Džennet.**” Sadaka povezuje ljude, rodbinu i povećava ljubav. Sadaka je vid iskazivanja zahvalnosti Allahu, dž.š., za blagodati kojima nas je počastio i ona povećava nafaku i život produžava. Allahov Poslanik, s.a.v.s., kaže: “**Ko god želi da mu se nafaka poveća a život produži, neka održava rodbinske veze.**”

Uzvišeni Allahu, ukabuli našu hutbu, naš ibadet, oprosti nama, našim najmiljim i svim vjernicima, a na Pravi put uputi sve ljude koji čeznu za Istinom. Oprosti nam grijehu, popravi naše stanje i nastani nas u perivojima Firdevsa sa Tvojim miljenicima i odabranicima.





BILTEN



imam_{ba}

ISLAMSKI PORTAL ZA SVE VAS!

www.imam.ba

Poziv svršenicima i svršenicama medresa koji žive u Švedskoj

Islamska zajednica Bošnjaka u Švedskoj priprema bazu podataka imama i muallima, koji bi mogli i željeli mijenjati naše aktivne imame na džuma namazima, vjerskoj pouci i drugim obavezama, za vrijeme godišnjih odmora i drugim prilikama.

Stoga, pozivamo sve svršenike i svršenice medresa, koji žive u Švedskoj a nisu angažirani u nekom od naših džemata, da se javi glavnom imamu Idriz-ef. Karamanu, na mejl adresu: idrizkaraman@hotmail.com

POZIV NA SARADNJU

Oglasite se i Vi u Biltenu IZB u Švedskoj!

Javite nam se sa vašim tekstrom, prijedlogom, primjedbom i sugestijom.

e-mail: bilten@izb.se

BILTEN

Informativne novine

Islamske zajednice
Bošnjaka u Švedskoj

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Hasan-ef. Jašarević
Fuad-ef. Čolić
Elvedin-ef. Bešlija

Stari brojevi/arhiva:

[www.izb.se/index.php/
bilten](http://www.izb.se/index.php/bilten)

Bemuf

www.bemuf.org